

فيديو ٤٧٩ من مقاطع حظر التجول تدبر سورة الأنفال - الحلقة

٦١ الآيات ٦٥-٢٦

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعين مقاطع حظر التجول والحلقة السادسة عشر من حلقات تدبر سورة الأنفال اقرأ معى الآية ستة وخمسين في سورة الأنفال - [00:00:00](#)

اعوذ بالله السميع العليم من الشيطان الرجيم الذين عاهدت منهم ثم ينقضون عهدهم في كل مرة وهم لا يتذمرون طبعاً ما ينفعش نبدأ
كده اول ما نشوف الذين نقف ونرجع ونبحث عن السياق على طول واضح ان احنا داخلين في موضوع من نصه - [00:00:29](#)
الآية بتتكلم عن ناس تم ذكرهم قبل كده والآية دي بتشير اليهم الذين عاهدت منهم هم مين؟ ارجع بقى وهات خمسة وخمسين
كده. هم. خمسة وخمسين ان شر الدواء عند الله الذين كفروا فهم لا - [00:00:59](#)

يؤمنون الذين عاهدت منهم ثم ينقضون عهدهم في في كل مرة وهم لا يتذمرون فاما تتفقن انهم في الحرب فشرد بهم من خلفهم فشرد
بهن من خلفهم لعلهم تمام ازا الكلام عن الذين كفروا - [00:01:24](#)

وفي الآيات اللي قبلها قال ويصدون عن سبيل الله ها ينفقون اموالهم ليصدوا عن سبيل الله طب احنا خلاص فهمنا دلوقتي احنا
بنتكلم عن مين بقى ان شر الدواف الدواب قلنا جمع دابة - [00:02:04](#)

وكل ما يدب على الارض لكن من النادر انها تستخدم للانسان لوصف الانسان. وان كان الانسان دابة لكن لا تستخدم عادة في
وصف الحيوان فهم وصفوا الذين كفروا بانهم اكثرا - [00:02:20](#)

الحيوانات شرا. اكثرا الدواف يا سيدى خلينا الدواب يا جماعة اكثرا شرا من اي دابة اخرى يبقى اكثرا شرا من الحيوانات لان الحيوانات
قدراتها محدودة حتى الحيوان لا يعقل وبيتبع شهواته - [00:02:36](#)

ما زال يعني يأتي من الحيوان خير اما الانسان اذا لم يستخدم عقله بطريقة صحيحة او غاب عن الوعي واحد اغمى عليه فمش
هياي منه خير الشر اللي يأتي من الانسان اللي لا يعقل اكثرا بكثير من الحيوان اللي لا يعقل - [00:03:00](#)

ان هناك حيوان يفترس حيوان لكن هناك حيوان يلقي قنبلة نووية تقتل ملايين الحيوانات يعني اقول لك على حاجة الشيخ
الشعراوي ضرب مثل رائع الحقيقة هل لو انسان راكب حمار؟ - [00:03:22](#)

ونام وهو على الحمار مش هيحصل حاجة ده غالباً كمان هيصحى نفسه قدام البيت شوفوا الحمار حمار لكن مفيد لكن الانسان ده لو
سايق سيارة ونام شف المصايب اللي هتحصل بقى. وكم واحد هيموتوا بقى - [00:03:39](#)

الكافر دول بقى منهم ناس خائنين للعهود شر الدواف عند الله الذين ليه بقى الذين عاهدت منهم ثم ينقضون عهدهم في كل مرة وهم
لا يتذمرون العهد يا جماعة يتطلب وفاء بالعهد - [00:03:58](#)

بني قريظة عاهدوا النبي عليه الصلاة والسلام. اول ما راح المدينة وكانوا من الموقعين على الوثيقة بتاعة المدينة الماجنا كرتا دي بتاعة
المدينة اللي هي يعني اللي هي المعاهدة اللي اتعملت بين كل الطوائف اللي في المدينة واتفقوا يعيشوا ازاى في سلام وامان وكلهم - [00:04:23](#)

المدينة تعرضت لغزو من برة كلهم هيقفوا في صف واحد يدافعوا عن بلدتهم والكلام ده كله وناقضوا العهد مع المسلمين من اول اول
سنة اول ما جم قريش في بدر مين اللي مدهم بالسلاح وبالطعام؟ بنوا قريش تصوروا؟ بعد كده اعتذروا اوه احنا

اسفين جدا - 00:04:42

يعني نسينا خالص. قال له الرسول عليه الصلاة والسلام كده والله قال لهم نسينا اخطأنا ونسينا سامحنا النبي سامحها رجعوا تاني
خالفوا العهد في غزوة الخندق اللي هي غزوة الأحزاب - 00:05:03

واتفقوا على المشركين مع المشركين انهم هيبقو هم الجبهة اللي جوة المدينة وحاصروا البيوت او البيت الكبير اللي كان فيه نساء واطفال المسلمين اللي ازواجهم وابائهم واحواتهم الرجال واقفين خارج المدينة على الخندق بيحموه. اضطروا نسائنا انهم يقاتلوا
بنفسهم - 00:05:18

السيدة صفية عمت النبي صلى الله عليه وسلم قاتلت وقتلت واحد منهم الذين عاهدت منهم ثم ينقضون عهدهم في كل مرة تحس
ان الاية بتقرفك منهم الناس دي يعني اين حمرة الخجل - 00:05:42

ما بيخجلوش ما بيتكسفوش وهم لا يتقون لا يتقون هنا تشمل كل انواع التقوى مش بس لا يتقون الله هم اصلاً كفار فطبيعي انهم لا
يتقون الله لكن هنا معناه لا يتقون ان سمعتهم تبقى سمعة سيئة. ان يتقال عليهم بيخونوا العهود - 00:06:04
دول بقى نعمل فيهم ايه بقى نعملهم بحفلة تكريم في اما تتفقفهم في الحرب فشرد بهم من خلفهم لعلهم يتذكرون خليهم عبرة
لغيرهم خلي بالك ان الانفال والتوبة موضوعاتها عسكرية بتعلم قواعد العسكرية - 00:06:28

في الاسلام دول بقى لو قابلتهم في الحرب لو حاربتوهم ما فيش ما تحاربوا نص نص لأ. اعمل كل حاجة كويس هتعمل ان الله
يحب اذا عمل احدهم عملاً ان يتقنه. هتحارب حارب بقوة كمان - 00:06:50

ليه؟ عشان ما ينتشرش عنك حتى سمعة ان انت خيخة في في القتال يعني. لا بتحارب بقوة. وكمان دول بالذات. ليه بقى؟ لأن فيه
آخرين قاعدين مستنيين ما هو النبي صلى الله عليه وسلم عامل عامل عهود مع ناس كتير - 00:07:08

ففي ناس قاعدة مستنية لو تسامل في الحرب ضد الناس اللي خالفت العهود معه يخالفوا هم كمان بقى ما هو اصله متساهم. وهو
كمان في الحرب لطيف يعني ما بيحبس يموت ناس كتير لأ - 00:07:23

نكل بهم خليهم عبرة في مسل يقول لك اضرب المربوط يخاف السايب. يعني اللي انت هتحاربه بالوقت ده وانت بتحاربه خالص لو
حاربته جامد جدا. ويعني مسحت به البلاط غيره هيخاف - 00:07:38

يبقى انت كده بتقلل الحروب انت مش بتزودها فاما تتفقفهم في الحرب فشرد بهم من خلفهم. لعلهم يذكرون ابتداء من هنا الايات دي
بيستخدمها اعداء الاسلام ليروجوا ان الاسلام دين بيبحث على العنف والارهاب والقتال والدماء مع اللي مع ان اللي يفهم الايات دي
جيذا - 00:07:51

يجد العكس تماماً الايات دي بتقلل من الدماء و بتقلل من القتال و بتقلل من العنف بس افهمها صح فاما تتفقفهم الانسان المثقف يعني
اللي ظفر بالعلم النافع يتفق اما تتفقفهم يعني تظفر بهم. تظفر بحاجة يعني تناول شيء غالى - 00:08:24

يعني لو وقعوا في ايديك ما هو مش كل يوم لأن لو وقعوا في ايديك في الحرب فاما تتفقفهم في الحرب. لو ربنا جعل لك اليد العليا
في يوم من الايام في الحرب ضد دولها تعمل ايه؟ فشرد بهم من خلفهم. من خلفهم يعني مين - 00:08:52

يعني اللي مش بيحاربوا دلوقتي خليهم يشوفوا اللي بيحصل ده ويشروا كده. يعني تناولوا لما يشوفوا اللي بيحصل لهم فشرد بهم
من خلفهم خوفهم نتيجة اللي هم شايفينه بيتعمل في اللي انت بتحاربهم - 00:09:12

اللي خلفهم اللي انت ما تعرفهمش تكون ما تعرفهمش حتى بس قاعدين بيبيصوا يشوفوا انت بتحارب ازاي فشرد بهم وممكن شرد
معناها خليهم يهربوا يطلعوا يجرعوا من الخوف. خلي اللي وراهم دول لما يشوفوا المنذر ده يهربوا بقى هم من انهم يحاربوا. يهربوا
يهربوا يعني - 00:09:32

بيهربوا من ايه؟ من محاربتك او يشرد يعني يتناول. خليهم يشوفوا اللي بيحصل في دول ويتناولوا كده. من الخوف ما يحاربوا
برضو. فكل ده في النهاية بيقود الى ان هناك من - 00:09:52

هيتراجعوا عن فكرة قتالنا اصلاً. فالاية بتقلل الحرب مش بتزودها. بالعكس يبقى هذا الكلام اللي بيبحث على القتال بشدة وانزال اشد

العقوبة بالمحاربين بيوفر علينا حروب اصلا فدي الطريقة تفادي الحروب. مش اكتار من الحروب - 00:10:06

سурه تمانية وخمسين واما تخافن من قوم خيانة فانبذ اليهم على سواء ان الله لا يحب الخائبين دي تاني مرة تستخدمن اما واما تخافن من قوم خيانة فاما تتقففهم في الحرب - 00:10:30

الاية اللي قبلها وها واما تخافن من قوم طب ليه ما قالش وان وان ثقفهم في الحرب فشرد به وان خفت من قوم خيانة ما هي حلوة برضه بقينا اهي - 00:11:02

وان خفت من قوم خيانة اعمل كزا. دي معناها انك تعاملها ولو مرة واحدة. لو عملتها مرة خلاص انت عملتها لكن ان ما تخافن من قوم خير يعني كل ما تخاف من قوم خيانة اعمل كزا. كل مرة تعمل كده - 00:11:16

الدليل صورة مريم ربنا قال فيها اه طبعا الملك بيقول للسيدة مريم. فاما ترين من البشر احدا فقولي اني نذرت للرحمه صوما فلن اكل اليوم انسيا يعني ايه؟ يعني كل ما تشوف في بشر - 00:11:36

كل ما تشوف في واحد فاما ترين من كل ما تشوف في واحد قولي وانا صايمه. اعملي كده على بقى يعني انا صايمه. مش هقدر اتكلم مع بني ادمين فاما يعني ببقى ده الطبيعي في اسلوبك - 00:11:55

اما تخافن من قوم خيانة فانبذ اليهم. ببقى ده الطبيعي عندك خلاص من هنا ورايح احنا اتكلمنا عن اللي بيغدره وبيخالفوا العهد كل مرة دول بقى نوع تاني دول ناس في عهد بینا وبينهم - 00:12:10

ولم يغدروا لسة ما غدروش بس احنا خايفين يغدروا على اي اساس سوء زن لأ المخابرات بتاعتنا قالت لنا ان عندها معلومات ان دول ناويين يخونوا العهد نقدر بقى ننتذر ناخذ الضربة لا ما ينفعش - 00:12:32

الاصل في المعاملات بين الناس ان في قاضي بيقضي بالخطأ لما يحصل فالشخص اللي يخالف العقد بالفعل لما يخالفه بيحكم ضده يؤخذ منه حق المظلوم لكن في السياسة بين الدول لأ ما فيش قاضي هيحجب لنا حقنا ما فيش الكلام دوه - 00:12:51

خلاص مش هننتذر لما نتخان لأ اه لان ما فيش حد هيسترجع حقوق المظلومين في السياسة بين الدول. لو انتذر الحاكم حتى تقع مخالفة العهد والخيانة خيانة الصلح هو كده بيعرض الامة كلها لمصيبة ممكنا ما يلحقش يتدارك المشكلة - 00:13:13

البلاد بقى هتحتل والارواح هتذهب بالالاف فلو وصلك معلومات انت مش هتعامل الناس بسوء الزن ولكن الدول ببقى عندها اجهزة مخابرات. وصلك معلومات ان في قوم معاهدين لك ناويين يخونوا العهد ويهاجموك. هيهاجموا المسلمين - 00:13:35

تعمل ايه؟ اضرب ضربة استباقية دايما اللي بيضرب الاول بيبقى عنده ميزة. طيب ودي مش خيانة؟ لأ ما انت مش هتضرب من غير ما تبند المعاهد. لازم تلغي المعاهدة الاول - 00:13:54

فانبذ اليهم على سواء اعلن الغاء المعاهدة بحيس تبقو على سواء يعني تبقو انتم الاثنين عارفين كويس اوي ان ما فيش معادلة سلام بینكم خلاص فانبذ يعني النبذ هو الالقاء - 00:14:08

انبذ ارمي لهم المعاهدة في وشهم وخلي بالك حضرتك كلمة في وشهم انا قاصدها. ليه؟ لان النبذ هو الالقاء على الكراهيه. مش انا مسلا بلقي الكورة اللي ابني مسلا ده اسمها بميز لأ - 00:14:26

النبذ هو القاء مع مع عبوس مع كراهيه مع في شيء من الايه؟ من الغضب يعني. النبذ هو الالقاء بغضب فانا قاصد اقول ارميها لهم في وشهم دي انا قاصدها يعني - 00:14:40

انبذ اليهم على سواء ليه طب ما كنا نفاجئهم لأن الله لا يحب الخائبين حتى لو الخائبين دول مسلمين ان الله لا يحب الخائبين. ما ينفعش احنا نخون ما ينفعش تعتدي على ناس بینك وبينهم معاهدة صلح - 00:14:55

وصلك معلومات انهم هيخونوك اعلن لهم الغاء المعاهدة اللي بينكم ساعتها تقدر تحارب ان خلاص ما فيش معاهدة صلح بينكم من بدعة اليهم على سواء يعني تصبح انت وهم على سواء في العلم بان هناك حالة حرب خلاص. كده نبقى احنا ما خنهمش. ان الله لا يحب الخائبين - 00:15:14

نرجع لبدر بقى كده تسعه وخمسين ولا يحسن الذين كفروا سبقو انهم لا يعجزون اوعوا اللي كفروا وقدروا يهربوا من القتل ومن

الا سر يوم بدر. يظنو انهم استطاعوا الهرب من ربنا. لا - 00:15:38

سبقوا يعني هربوا لو تفتكروا في سورة العنكبوت ام حسب الذين يعملون السينات ان يسبقونا يعني هو الناس اللي بتعمل السينات
دي فاكرين نفسهم انهم هيقدروا يسبقوا ربنا يعني ايه يسبقونا ربنا؟ يعني يهربوا من ربنا - 00:16:01

يبقى سقه يعني هربوا يعني هم فاكرين الجماعة اللي بيعملوا السينات دول من يوم القيمة هيطلعوا يجروا من الملائكة والملائكة
تطلع تجري وراهم وما تلتحقهمش مسلا! لا ما فيش الكلام ده خالص - 00:16:25

اذا يسبق يعني يهرب ولا يحسبن الذين كفروا سبقو اللي كفروا وما قتلوا ولم يؤسروا في يوم بدر او عى يفتكروا ان هم ايه هربوا
بس بيعطىهم فرصة انهم لا يعجزون. لا يستطيعوا انهم يعجزوا ربنا - 00:16:38

ان ربنا تركهم يعلم وتركهم يعلم ان دول بعضهم هيتوروا. بعضهم هيؤمن. كل واحد لسة له دور هي عمله انهم لا يعجزون. ربنا لن يعجز
انه يأتي بهم ويعاقبهم. اذا اراد - 00:17:01

هو تراكم لحكمة منهم من اصبح من قادة قادة جيوش المسلمين. خالد بن الوليد قائد ده اصبح اسمه سيف الله المسلط في الاسلام
يعني حارب لمدة ثلاث اربع سنين حياة النبي وبعد كده كان قائد من قادة حروب الربدة وبعد كده قائد في آآفتح فارس وفتح الشام

وفتح الروم - 00:17:20

وعمرو بن العاص نفس الكلام عكرمة بن ابي جهل نفس الكلام ابو سفيان ابن حرب نفس الكلام كلهم يعني رضي الله عنهم بقى رابع
ستين وواحد وستين وستين واعدوا لهم ما استطعتم من قوة ومن رباط الخيل ترهبون به عدو الله وعدوكم - 00:17:46
واخرين من دونهم لا تعلمونهم. الله يعلمهم وما تتفقوا من شيء في سبيل الله يوفى اليكم وانتم لا تظلمون وان جنحوا للسلم فاجنح
لها وتوكل على الله انه هو السميع العليم وان يريدوا ان يخدعوا - 00:18:20

فان حسبك الله هو الذي ايدك بنصره وبالمؤمنين هذه الایات استخدمنا اللي هو السياسي الهولندي اليميني المتطرف في فيلم فتن
اللي عمل فيلم اسمه فتننة جاب فيديو للطائرات بتدخل في مركز التجارة العالمي يوم حداشر سبتمبر في نيويورك. كده بيبدأ الایه
الفيديو كده - 00:18:46

وصوت السديس بيقرأ في الحرم الایة دي وطلب مني اني ارد على الفيلم ده اتفرجت على الفيلم فوجدت بيترجم الایة لغاية هنا بس
الترجمة للانجليزي واعدوا لهم ما استطعتم من قوة ومن رباط الخيل ترهبون به عدو الله وعدوكم - 00:19:17
لغاية هنا بس والقاري العربي السديس مكمل قرایة بس ما ترجمش الباقي فكر كده ليه هات كده الفيلم هولندي وهو عامل لغتين.
هولندي وانجليزي. فالهولندي برضه في النسخة الهولندي مترجم لغاية دي بس - 00:19:44

قلت يا ابن الليزينا يبقى هي دي المفتاح. مش قادر تترجم الباقي ليه؟ والله ركزت في بقية الایة هو عاوز يقول ايه من هنا ترهبون به
اذا الارهاب امر من الله في القرآن بس خلاص. هنقدر نقول احنا مش دين ارهاب. احنا دين سلام. سلام مين؟ ده ده عيني وش كده
00:20:05

ربكم بيقول لكم ترهبون به عدوا. ده ربنا بيأمركم بالارهاب اصلا. بس فلما لاحظت ان هو بيوقف الترجمة عند الحد ده عند كلمة عدو
الله وعدوكم وما بيكلمش بعد كده شعرت - 00:20:28

عند رد الشبهة في بقية الایة هو ليه مش عايز يترجم الباقي اصل الایة بتقول ايه بقى واعدوا لهم ما استطعتم من قوة ومن رباط
الخيل ترهبون به عدو الله وعدوكم - 00:20:47

ونوع تالت وآخرين من دونهم لا تعلمونهم الله يعلمهم طب ما هو لو ربنا بيأمرنا بارهاب ناس يبقى لازم يحدد لي مين هم الناس
عشان اروح ارعبهم لكن يقول لي ارعب ناس انا ما اعرفش هم مين ازاي - 00:21:04

واخرين من دونهم لا تعلمونهم الله يعلمهم. طب انا الله! الله اعلم بهم. طب انا هرعبهم ازاي يبقى هنا كلمة تورهي بون مش
مقصود بها الارهاب. ده مقصدود بها حاجة تانية - 00:21:27

وسبحان الله قبلها بكم شهر انا كت آآكنت في امريكا ورحت اديت محاضرة في آآكلية الحرب هناك اللي في البتاغون دي اسمها ايه

؟ آآ فورت ماير او حاجة زي كده - 00:21:43

آخر الكورس اللي انا اديته ادوني هدية عبارة عن ميدالية تذكارية من ناحية مكتوب عليها آآ ومش عارف فورت ماير دي القاعدة دي اللي هم فيها دي. ومن الناحية الثانية مكتوب كلمة لاتيني انا ما فهمتش معناها - 00:21:58

مش فاهم يعني ايه وحطتها على آآ الانترنت. طلع كلمة من كلمات احد القادة الرومان زمان او حاجة. بيقول يعني الذي يريد السلام الذي يريد السلام مم فليعد للحرب. يعني ايه؟ يعني اللي عايز يعيش في سلام يبقى عنده جيش قوي. هيعيش في سلام - 00:22:17 واعدوا لهم ما استطعتم من قوة ومن رباط الخيل ترهبون به عدو الله وعدوكم قرین من دونهم لا تعلمونهم الله يعلمهم. اه. يبقى المقصود هنا الردع يكون عندي جيش قوي عشان يردع الاعداء - 00:22:56

كما يعتقدوш علي. سواء اعدائي اللي انا عارفهم او اعداء ربنا او ناس تانية انا ما اعرفهاش ناويين وبيخططوا يعتقدوا علي وانا ما اعرفش خالص. ومش في بالي ابدا ان دول ممكنا يعملوا في كده - 00:23:18

ايه اللي يخليلهم يتراجعوا في الفكرة الشيطانية بتاعتھم دي ؟ وما يعتقدوш علي الجيش القوي اللي عندي يبقى الاية دي بتقول لنا نحارب ازاي ولا ما نحارب ازاي وبتقول لنا ازاي نعيش في سلام - 00:23:33

خليك محترم باكستان كات بتاخذ علقة كل شهر من الهند اول ما ان اعلنوا عن انتاج القنبلة النووية وقفت ما بقاش في اي اي حاجة بينهم وبين الھندليه خلاص دخلوا النادي النووي اصبعوا دولة محترمة بقى رئيس - 00:23:52

تركستان لما يروح امريكا رئيس امريكا بيقابلة تحت سلم الطيارة. مش في خامس يوم لأ مستنيه تحت دولة نووية هي دي النقطة يبقى الاية بتقول لي اعدائك سبهايوك. ولن يحاربوك - 00:24:17

يبقى الاية دي بتحقن الدماء مش العكس يكون عندك جيش ضعيف هيطبع فيك الناس وكل من هب ودب هيضرتك. كل من هب ودب هيضرتك في صحيح مسلم عن عقبة بن عامر رضي الله عنه قال سمعت رسول الله صلی الله علیه وسلم وهو على المنبر يقرأ - 00:24:35

واعدوا لهم ما استطعتم من قوة قال الا ان القوة الرمي. الا ان القوة الرمي الا ان القوة الرمي الرمي وقتها كان الرمي بالنبال وبالسهام لانها من بعيد بتصيب العدو وبتقتل - 00:25:04

بتحصل لك مكاسب لكن انت بعيد عن مرمى العدو انت بعيد عن سيف العدو. انت بعيد عن رماح العدو قال الا ان القوة الرمي احنا المفروض نعد جيش نعد ايه؟ سهام كتير لأ - 00:25:28

رامي النهاردة عن الصواريخ صواريخ ومن رباط الخيل ليه ما قالش ومن الخير رباط الخيل يعني الحظائر الحظيرة. اللي بيترتبط فيها الخيل. الاماكن اللي بيترتبط فيها الخيل مش غريبة شوية دي - 00:25:44

يعني انا متوقع يقول لي ومن الخيول. لأ لو قال من الخيل يبقى انا لازم افضل احارب بخييل لكن لأ. من الحظائر اللي بيترتبط فيها خيل بقى حظائر دبابات حظائر طائرات - 00:26:06

اعدوا لهم ما استطعتم جيش قوي. كل اللي تقدر عليه. حظائر هائلة مليانة طيارات و مليانة دبابات ايه ده واطلعوا بقى كده استعرضوا جيشكم واعملوا استعراضات عسكرية واعملوا طب ده مش فيه غرور شوية وكبار؟ لأ - 00:26:21

يا رب ابو دوجانة تقربيا اللي قبل احدى الغزوات لما النبي عليه الصلاة والسلام قال من يأخذ هذا السيف ولكن بحقه. قالوا ما حقه يا رسول قال ان يضرب به حتى يئنني - 00:26:43

ابو دجانة قال له انا. ازن ابو دجانة يعني واحده وطلع يستعرض ويمشي وكده ماشية فيها خيلاء وتكبر. فقال النبي صلی الله علیه وسلم مشية يكرهها الله الا في هذا الوطن - 00:26:58

الا قبل الحرب. قبل الحرب طب تلاقي الرعب في قلوب اعدائك طيب هتطلعوا بقى تعلموا مناورات بقى في البحر وفي البر وفي الجو عشان تستعرض قوتك فاعدائك يهابوك فما يحصلش قتال - 00:27:16

ما حدش يعتدي عليك تدخل الرهبة في قلوب الاعداء يرهبون به عدو الله وعدوكم وآخرين من دونهم لا تعلمونهم. الله يعلمهم. هذا

الاعداد للجيوش وشراء السلاح المتتطور يحتاج تمويل بقى - 00:27:35

واحنا هنجيب الكلام ده كله منين ؟ الله كل الاسلحة اللي احنا عايزيتها وحظائر تملاها طائرات ونملاها طب ما تجيب الكلام ده منين
وما تنقووا من شيء في سبيل الله يوفى اليكم - 00:27:56

وانتم لا تظلمون شف انت ذيل الاية علاقته ايه بجسم الاية احنا كنا نقرأ الاية دي مش فاهمين هو ليه ربنا بيقول لك وما تنقووا من
شيء في سبيل الله في واحد قال لي مرة والله كنت بافتكر القرآن ملخت - 00:28:13

كان فاكر القرآن ملهاي عشان هو مش فاهم مش هو مش فاهم دلوقتي نتذر ونشوف ايه علاقة الانفاق دلوقتي ؟ اه ما هو مع ده
التسلیح. ربنا بيكلمني عن التسلیح. هو مش بيتكلم عن القتال. بيتكلم عن التسلیح - 00:28:28

اي انفاق في تسلیح الجيوش اي تبرعات هتطلع لاجل هذا الغرض سيفي اليكم. يعني ربنا لن يترك هذه التضحيات المادية تذهب
كده سيفيكم اجركم في الدنيا وفي الآخرة وفي الدنيا اولا الجندي اللي هتتبرع به. لتسلیح مقاتلين بذلك. انت بتتفز به ابن من
ابنائك انت. يوفى اليك - 00:28:43

مش لازم ان الجندي يرجع لك. لأن انت بتتفز ابن من ابناءك بانك بتسلح جيش بيدافع عنك يبقى ده لصالحك في الدنيا وفي الآخرة
كمان لك ثواب عظيم على التضحية المادية والتبرعات والصدقات اللي انت طلعتها في سبيل الله - 00:29:09

لن ينقص من تبرعاتك شيء وانتم لا تظلمون. لا تظلمون هنا يعني لا تقصون دي قصة صاحب الجن提ن بسميه الصاحبان في سورة
الكهف قال ايه ؟ كلتا الجن提ن اتت اكلها ولم تظلم منه شيئا. يعني لم تقص منه شيئا - 00:29:29

فلما ربنا يقول لي هنا هو وانتم لا تظلمون معناها في الاية ستين معناها لا تقصون. حكم لن ينقص ودليل بقى ان الاية دي هدفها
احلال السلام مش الحرب. اقرروا الایتين اللي بعدها وانتم تشووفوا - 00:29:53

على طول وان جنحوا للسلام فاجنح له. وتوكل على الله انه هو السميع العليم. وان يريدوا ان يخدعوك فان حسبك الله. هو الذي ايدك
بنصره المؤمنين فالاية جاية في اطار ازاي نعيش في سلام - 00:30:11

بتقول اذا هم مالوا للسلام انت كمان وان جنحوا السفينة تجنج يعني تميل وان جنحوا للسلام اذا مالوا للسلام فاجنح لها
وتوكل على الله. انه هو السميع العليم - 00:30:28

ميل انت كمان للسلام. يلا توكل على الله. حط ثقتك في ربنا. دايما السلام احسن لك لكن الحرب مهمها كان مش هي المناخ الطبيعي
للدعوة. ولا للحياة ولا للتقدم انه هو السميع العليم. ربنا سامع دعائكم ويعلم احتياجاتكم - 00:30:51

توكل على الله واقبل السلام بس انت خايف من ايه. وان يريدوا ان يخدعوك فان حسبك الله. ها شفتم احنا كنا بنقرأ كل اية لوحدها.
جزر متفرقة كده القرآن كنا بنقطعه. لأ - 00:31:10

اقبل السلام وثق في ربنا. اقبل السهم وان جنحوا للسلام فاجنح لها وتوكل على الله. انه هو السميع العليم خايف يا رب يكونوا
بيخدعوني وان يريدوا ان يخدعوك فان حسبك الله. للدرجة دي يعني انت لو خايف انهم عايزيين يخدعوك - 00:31:28

ربنا يكفيك يعني ايه ؟ يعني يا اخي انخدع لهم بس خليك حريص ومنتبه. واعد قوة من رباط الخيل. عشان خاطر يرهبوك. ولو
وصلك اخبار عن خيانة فان اذ اليهم عهدهم. وقم بضربي استباقية - 00:31:48

يعني اقبل السلام حتى لو انت عنده احساس ان هم عايزيين يخدعوك. للدرجة دي الاسلام عايزه السلام. انخدع لهم بس خليك
حريص. اعمل نفسك مخدوع. ما يمكن ما يمكن انت - 00:32:08

زنك بهم مش صحيح. ما يمكن هم عايزيين السلام بجد ومش عايزيين يخدعوك ولا حاجة وان يريدوا ان يخدعوك فان حسبك الله هو
الذى ايدك بنصره وبالمؤمنين. امته ربنا خذلك - 00:32:22

مش هو ربنا اللي ايدك بنصره قبل كده ؟ وبالمؤمنين امته ربنا خذلك ؟ ده معناها هو حسبك ان حسبك الله حسبك. حسبك الله يعني
هو حسبي الله يعني الله يكفيكني - 00:32:36

ربنا يكفيك بايدك بنصره قبل كده وايدك بمؤمنين كانوا اعداء بعض كانوا بيحاربوا بعض حروب طاحنة الف بين قلوبهم الاوس

والخزرج قاتلوا بعض عشرات السنين وبينهم ثار يعني تار كبير - 00:32:57

بقوا اخوات اصبح الحب اللي بين قلوبهم ده غريب جدا. تحول الكراهة الى حب بقدر الكراهة بقت حب شديد اية من ايات الله وده
اللي هنتكلم عنه بقى في الحلقة القادمة باذن الله - 00:33:20

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب. وما زويت
عنا مما نحب فاجعله فراغا لنا فيما تحب - 00:33:37

اللهم اجعل حبك احب اليها من اهلينا واموالنا ومن الماء البارد على الظماً اللهم حبنا اليك والى ملائكتك وانبيائك ورسلك وعبادك
الصالحين. واجعلنا من يحبك ويحبك ملائكتك وانبيائك ورسلك وعبادك الصالحين. اللهم احيي قلوبنا بحبك. واجعلنا لك كما تحب
00:33:54

اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا قل له في مرضاتك. اللهم اجعل القرآن الكريم
رابع قلوبنا ونور صدورنا وجلاء احزاننا وذهاب همومنا - 00:34:23

وهمومنا ومغفرة ذنبينا. اسأل الله العلي العظيم ان يجعل هذا التدبر في ميزان حسناتي وحسناتكم جميعا. اللهم فاطر السماوات
والارض عالم الغيب والشهادة. انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه اكفنا واهلينا
واخواننا واخواتنا شر - 00:34:43

كل من يكيد لنا ولهم. واحفظنا واياهم من شرورهم. ونجعلك اللهم في نحورهم فانت الوكيل ولا حول ولا قوة الا بك اللهم بحق كل
حرف في كتابك تلوناه او تدبرناه - 00:35:12

ايد بنصرك المرابطين في الارض المباركة فلسطين. اللهم سدد رميعدوهم وتقبل شهداءهم وانصرهم في وكن مع
اخواننا في تركستان الشرقية وفي الشام وفي كشمير وفي الهند. وانصر من نصرهم واخذل من خذلهم وطهر المسجد - 00:35:30
الاقسى من القدس فانهم لا يعجزونك. واكتب لنا يا ربنا ختم القرآن فيه اللهم انك تعلم ان هذه القلوب قد اجتمعت على كتابك وعلى
محبتك. والتفت يا ربنا على طاعتك وتوحدت على دعوتك وتعاهدت على نصرة شريعتك. فوتق اللهم رابطتها وادم - 00:35:50
ودها واهدها سبلاها واملأها بنورك الذي لا يخبو. واشرح صدورها بفيض الامان بك وجميل التوكل عليك واحيها يا ربنا بمعرفتك.
وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على محمد وعلى الله وصحبه ومن تبع هداه.
والسلام عليكم ورحمة الله - 00:36:19

ونراكم غدا باذن الله بنفس هذا الموعد ان كنا من اهل - 00:36:46